



1- العهد القديم

ثانياً مستوى متوسط الإعاقة

الفتية الثلاثة (دا 3)



- معرفي: التأكد من أن قوة الله ترعانا وتحمينا.
- وجداني: محبة الله من القلب وطاعته.
- سلوكي: الصلاة لله فقط.



كان فيه ملك اسمه نبوخذ نصر عمل تمثال كبير، وطلب إن كل الناس لما تسمع صوت الموسيقى تسجد للتمثال. وكان من بين الناس ثلاث فتية اسمهم: شدرخ وميشخ وعبدنغو، ما سجدوش للتمثال علشان هم كانوا بيحبوا ربنا، وما ينفعش يسجدوا لأى حد تانى، لأن ربنا هو الإله الحقيقي اللى فيه ينبغى كل السجود.

لما الناس لقوهم بيحبوا ربنا قوى، وما رضيوش يسجدوا للتمثال، راحوا قالوا للملك: إن "الثلاثة دول ما رضيوش يسجدوا"، فاتعاط الملك وطلب إنهم ييجوا عنده، وسألهم: "إنتوا



ليه ما سجدتوش؟ إنتوا مش عارفين إن اللى مش هيسجد للتمثال هيترمى فى آتون النار ومفیش إله ينقذه منى؟ لكنهم جاوبوا الملك وقالوا: "قوة إلهنا تقدر تتجينا" فاتعاط الملك أكثر، وأمر برمى الفتية الثلاثة فى آتون النار بعد ما زودوا النار 7 أضعاف.

وحصلت حاجة غريبة جداً. الملك وقف من بعيد يشوف إيه اللى حصل لهم من النار، لكنه لقي الثلاثة واقفين يصلوا،

وكمان لقي معاهم واحد رابع!! استغرب الملك وسأل الخدام: "إحنا مش رمينا ثلاثة فى النار؟ مين الرابع اللى معاهم دا؟ دا شكله عظيم جداً ويشبه ابن الآلهة!"

فأمر الملك إن الفتية يطلعوا من الآتون، واستغرب أكثر لما لقي النار ما عملتش فيهم أى حاجة، وأمر إن ما حدش يقول كلمة وحشة على إله الثلاث فتية القديسين، لأنه عرف إن ربنا إله عظيم وحقيقى، مش تمثال مصنوع من الحجر، ويقدر يحمى كل أولاده من أى شر حتى لو اترموا فى آتون النار.

على الخادم أن يوضح خطورة النار، وأنه لا يمكن لأحد الاقتراب إليها، وأن ما حدث مع الفتية كان معجزة تمت لئتمجد الله وسط هذا الشعب، ولكي ينجى الفتية، لأنهم كانوا يحبون الله بكل قلبهم، لذلك لم يتركهم أبدًا.

ملحوظة

- 1- الملك طلب إيه من كل الناس؟
- 2- الفتية الثلاثة عملوا إيه؟ وكان صح ولا غلط؟
- 3- الملك شاف إيه فى الآتون؟ وأمر الناس تعمل إيه؟



2- العهد الجديد

معجزة إشباع الجموع (لو: 9: 10-17)

- معرفى: الله يهتم بجميع احتياجاتنا الجسدية والحياتية.
- وجدانى: نشكر الله على عطاياه.
- سلوكى: نصلى قبل ما نأكل لكى يبارك الله الطعام.




ربنا يسوع هو سر فرحتنا، هو دائماً مفرحنا وعينه علينا، عارف كل احتياجاتنا وعارف إحنا عايزين إيه، وكمان بيفرحنا بعطاياه الحلوة اللى بيديها لنا.

لما كان ربنا يسوع موجود على الأرض، قبل ما يتصلب ويقوم من الأموات ويصعد للسماء، كل مكان كان يمشى فيه كانت الناس تتجمع حواليه، لأن هو كان بيحبهم، وبيقول لهم كلام حلو قوى، وكمان كان بيعمل لهم معجزات حلوة كتير، وبيشفى أمراضهم، علشان كذا كانوا بيحبوه، وكان بيقد يحكى لهم عن ملكوت الله.

وفى مرة للناس فضلوا معاه ثلاثة أيام، لغاية ما كل الأكل اللى كان معاهم خالص، فطلب التلاميذ من ربنا يسوع المسيح إن الناس تمشى، علشان ما كانش معاهم أكل يكفى كل الناس الموجودة. فقالهم: "إنتوا هاتوا لهم أكل قبل ما يرجعوا بيوتهم، علشان ما يتعبوش فى الطريق". فقال التلاميذ: "يا رب دا عددهم كبير جدًا! كانوا حوالى 5000 راجل، دا غير الستات والأطفال! إزاي نجيب أكل لكل الناس دى؟ إحنا مش عارفين نعمل إيه!!".

وهم بيقولوا الكلام ده لربنا يسوع، سمعهم ولد صغير معاه خمس خبزات وسمكتين، فأعطى التلاميذ أكله، وهو فرحان إنه ساعدهم... أخذ التلاميذ الأكل منه وشكروه، وراحوا قدموه لربنا يسوع، فطلب منهم يقعدوا الناس بنظام، وأخذ الخمس خبزات والسمكتين وباركهم وكسر الخبز.



وحصلت معجزة عجيبة: الخمس خبزات والسمكتين عددهم زاد جدًّا، لدرجة إن كل الناس أكلوا وشبعوا، وكمان اتبقى من الأكل 12 قفة مليانة.

- 1- السيد المسيح طلب إيه من التلاميذ؟
- 2 - هل الناس كان معاهم أكل؟
- 3 - إيه المعجزة اللي حصلت؟



3- الطقس

طقس تقديم الحمل

- 1- مساعدة المخدم على معرفة طريقة تقديم الحمل.
- 2- أن يكون المخدم على وعى بما يحدث أمامه أثناء تقديم الحمل. ويتم عمليًّا: باصطحاب المخدمين للكنيسة وحضور خطوات اختيار الحمل عن قرب.



أبونا فى القداىس، أثناء تقديم الحمل، بيبكون واقف أمام باب الهيكل، وقدامه الشماس شايل طبق الحمل، وبيكون عدد القربان 3 قربانات أو 5 قربانات أو 7 قربانات.

- 1- بيبكون على يمين أبونا شماس تانى ماسك القارورة (زجاجة فيها عصير الكرمة) بايده اليمين، وشمعة بايده الشمال، وتكون إيديه على شكل صليب. أبونا بيشم ريحة عصير الكرمة أولاً وبعددين الشماس، ويردّ على أبونا ويقول: "جيد وكريم".

- 2- وعلى شمال أبونا شماس تالت شايل المايه (والمايه بترمز للمعمودية)، فأبونا بيعمد الحمل. وكمان بيبكون فى إيد أبونا لفافة بيلفّ فيها الحمل بعد ما يختاره، واللفافة بترمز لكفن ربنا يسوع.

3- أبونا بيرشم القربان بعلامة الصليب، ويبدأ يختار الحمل. أثناءها سيكون الشماسة والشعب خارج الهيكل يقولوا كلهم "كيريا ليصون".



4- بعد أبونا ما يختار الحمل (قربانة ما فيهاش أى عيب خالص، لأن ربنا يسوع كان حمل بلا عيب أتقدم علشاننا)، يمسح الحمل بالمياه (رمز المعمودية)، وبعدين أبونا بيلفّ الحمل فى اللفافة اللي معاه، زى ما جسد ربنا يسوع كان ملفوف فى الكفن.

5- بعدها أبونا بيلفّ حوالين المذبح بالحمل، وبعدين يقف على باب الهيكل ووشّه ناحية الشعب، ويقول "مجدًا وإكرامًا... إكرامًا ومجدًا للثالوث القدوس الآب والابن والروح القدس..."



1- كم عدد القربان اللي بيتقدم؟

2- أبونا بيعمل إيه بالمياه؟



4- تاريخ الكنيسة

الأنبا شنوده رئيس المتوحدين

1- أ. يوسف المخدم حيّط مصطلا بيقول لمرشديو

2- أن يتعلم المخدم حياة الطاعة والمحبة.

نصل لتلك الأهداف: من خلال تدريب المخدم على تخصيص وقت للصلاة.



ولد ببلدة شندويل بجوار أخميم، من أبوين ثريين كانا يمتلكان قطعان كثيرة من الأغنام. وكان يخرج مع الرعاة لرعاية أغنام أبيه، فكان يهتم بها. وكذلك كان يخصص وقتًا للصلاة، وكان فى أوقات كثيرة يترك أكله للرعاة، لأنه كان يحب حياة الصوم والعبادة. ولما أخبر الرعاة والده بما يفعله الصبى شنوده، أخذه إلى دير بالصحراء قرب مدينة سوهاج، وكان رئيس الدير هناك هو الأنبا بيجول خاله، فطلب منه والده أن يبارك شنوده. فقال له الأنبا بيجول: "باركنى أنت، لأنك ستصير أبًا لجماعة كثيرة".



نشأته الرهبانية:

نشأ شنودة نشأة صالحة نتيجة اعتناء خاله به، وكذلك وجوده وسط الرهبان، فرسمه الأنبا بيجول راهبًا، فاستمر في حياة التقشف والعبادة والطاعة. وكان مشهودًا له من جميع الرهبان، حتى أنه بعد نيابة الأنبا بيجول (خاله) اختاره الرهبان رئيسًا للدير بعده. فنظم الدير ووسع نطاقه. وبلغ عدد الرهبان في عهده 2200 راهبًا بالدير الأبيض و1800 راهبًا بالدير الأحمر الموجودان حتى الآن غرب مدينة سوهاج. وكان الأنبا شنودة يحب الاختلاء مع الله في صلاة وتعب، وسمع عنه أحد

قادة الجيش فزاره ليتبارك منه، وأخذ أحد أحزمته، ولما دخل الحرب صلى إلى الله وتشفع بالأنبا شنودة فانتصر في الحرب. وبعد فترة تتيح الأنبا شنودة بسلام يوم 7 أبيب سنة 168 للشهداء.

- 1- ماذا كان يفعل الأنبا شنودة بطعامه؟ ولماذا؟
- 2- ماذا أخذ قائد الجيش من الأنبا شنودة؟ وما الذي حدث؟



3- المحفوظات

1- مطلوب حفظ الآية، بدون حفظ الشاهد:



- 1- "أنا هو الراعى الصالح". (يو 11:10)
- 2- "لى الحياة هى المسيح". (فى 1 : 21)
- 3- "سلامى أعطيك". (يو 14 : 27)
- 4- "تعلموا منى لأنى وديع ومتواضع القلب". (مت 11 : 29)

5- "أنا هو القيامة والحياة". (يو 11 : 25)


2- المزمور الخمسون: (من أوله إلى "قلبا نقيًا اخلق فيّ يا الله وروحًا مستقيمًا
جده في أحشائي")

ارحمني يا الله كعظيم رحمتك، ومثل كثرة رأفتك تمحو إثمي. اغسلني كثيرًا من إثمي
ومن خطيئتي طهرني، لأنني أنا عارف بإثمي وخطيئتي أمامي في كل حين. لك وحدك
أخطأت، والشر قدامك صنعت. لكي تتبرر في أقوالك، وتغلب إذا حوكت. لأنني هأنذا
بالإثم حبل بي، وبالخطايا ولدتني أُمي. لأنك هكذا قد أحببت الحق، إذ
أوضحت لي غوامض حكمتك ومستوراتها. تنضح على بزوفاك
فأطهر، تغسلني فأبيض أكثر من الثلج. تسمعني سرورًا وفرحًا،
فتبتهج عظامي المنسحقة. اصرف وجهك عن خطايي،
وامح كل آثمي. قلبا نقيًا اخلق فيّ يا الله، وروحًا مستقيمًا
جده في أحشائي.




6- الصور

- يقوم الخادم بتدريب المخدمين على توصيل كل صورة بالصورة الأخرى
ذات العلاقة بها.



المعمودية:



التناول:





الصلاة في الكنيسة أمام الأيقونة:



الصلاة في المنزل أمام صورة على الحائط:



مدارس الأحد:



"المسيح حياتنا" 2011

18

ذوى القدرات الخاصة - المسابقة الدراسية

يمكن للخادم إحضار الصور التي قام بتدريب المخدمين عليها في التصفيات النهائية.

لا تعامل طفلك كمعاق بل عامله كأى طفل عادى:

عاقبة إن أخطأ حتى يتعلم وحتى يشعر أنه عادى فمثلاً:
بعض حالات الإعاقة العقلية تدرك الصواب من الخطأ هذا ليس معناه أن يكون العقاب بالضرب , فالضرب وسيلة غير مجدية مع الطفل العادى فقل تتوقع جدواها مع الطفل المعاق , ولكن على الأقل عرفه بخطأه بالمناقشة معه فهذا يكسبه الثقة.

للخادم